

Xojon carta-la San Pablo xi kiski-la Tito

Kó tsò Pablo nga síhixat'aà Tito

1 ¹Añ, Pablo, xi chi'nda-la Nainá ma. Tikoá 'añ tsibíxáya-na Na'èn-ná Jesucristo mé-ne nga kokjeiín-la it'aà ts'e Cristo jñà xitá xi xó jè Nainá jaàjiin-ne, tikoá skoe xi kjoakixi nga koma-la skoexkón Nainá. ²Xitá koi k'oaá s'ín komat'in nga tíjngodè ikon nga nchikoña-la nga kítsajnakon inima-la nitá kjé-ne koni s'ín kitsjaà tso'ba Nainá skanda k'e nga tikj'eè sindaà isò'nde. Nainá mikii konachan. ³K'e nga jye ijchò nachrjein, Nainá kisikatsèjèn 'én-la it'aà ts'e 'én ndaà-la Nainá xi kjoá ts'e Cristo xi 'añ chjàya. Na'èn-ná kisingatsja-na xá jè nga k'oaá s'ín tsatíxoma Nainá xi ochrjekàjiin-ná kjo'in. ⁴Ngaji, Tito, koni tsà ki'ndí ts'an xan-lè nga ngàsòn mokjeiín-ná it'aà ts'e Cristo, tsikasén-lè xojon jè. Nainá xi Na'èn-ná ko Na'èn-ná Jesucristo xi ochrjekàjiin-ná kjo'in kàtatsjá-lè kjondaà-la, kàtahimakeè-lè, tikoá 'nchán kàtasíkijna inima-lè.

**Kjoá xi mochjeén ts'e xitá xi síkitasòn
xá ya ijiin naxandá-la Nainá**

⁵Koií xá kisikíjna-lè ján nangui Creta nga sikixiyi xá xi chijat'aà-isa. K'oaá tis'ín tsatíxoma-lè nga kinchandèi xitá jchínga xi sìkinda naxandá-la Nainá nga jngodè ijngodè naxandá. ⁶Xitá jchínga xi sìkitasòn xá, jñà-né xi ndaà nchisíjchá yijo-la nga mì yá xi ch'o kító-la; xi jngodè ma chjoón-la. Ko jñà ixti-la mochjeén-né nga ndaà mokjeiín-la it'aà ts'e Cristo nga mìtsà yá xitá onè-la kjoá nga kjoaská tjímajiin ko nga mikii 'nchréñijon. ⁷Jè xitá xi síkinda

naxandá-la Nainá xi xá-la Nainá síkitasòn, mochjeén-né nga ndaà s'iin mé-ne nga niyá xi ch'o kitso-la. Mikìi mochjeén nga 'nga ikon koma; mì taxkì kojti-la; mì xán kohijtako; mì xita skaàn-ko; ko mì ton chijé kotsjakeè. ⁸Ta saá ndaà kàtasís'in-la xita xi bijchókon. Kàtamatsjakeè kjoa xi ndaà tjín. Indaà kàtijna ikon. Kixi kàtijnako xita. Tsjeè kàtasíjchá yijo-la nga nguixkon Nainá, ndaà kàtasíkinda yijo-la nga mì taxkì s'iin. ⁹Ndaà kàtjiiin ikon 'én kixi koni s'ín kis'enojmi-la mé-ne nga it'aà ts'e 'én ndaà xi kokòya koma kiitin-la xita nga 'nó kàt'eé-la ikon tikoá koma sikkixiya xi kondra fitjinguila xi kjoakixi.

¹⁰Koif kjoa-la tjín jchán xita xi tájaàjiiin nga okóya 'én xi nimé chjí-la tikoá konachan-la xita xi kj'eí; ko tijñà-ne xi 'nó bínè-la xita xi kj'eí nga kjo'nó sit'aà chiba-la yijo-la kjoa ts'e circuncisión. ¹¹Jñà xita koi mochjeén-né nga kichjoà'a nga sískáya-la ngats'iì xita xi títsajna nga jngoò ijngoò ni'ya. Tà jè xi mejèn-la nga ton síchijét'aà-la xita nga k'oa tjín 'én xi okóya xi nimé chjí-la.

¹²Jngoò xita chjine xi tiya-ne i'nde-la Creta k'oaá kitsò-la xita xikjín: “Jñà xita Creta, xita ndiso-né, xita ts'en-né koni tsà cho ijñá, xita chrjá'a-né, xita ts'eè-né.” ¹³'Én kixií xi kiichja xita jè; ngaji, Tito, koif kjoa-la 'nó tinókjoakoi mé-ne nga ndaà kítsajnakò-ne koni s'ín mokjeiín-la it'aà ts'e Cristo, ¹⁴koa mé-ne nga mì jñà sìs'in-la cuento xi nimé chjí-la xi fitjinguila 'nga-la xita judío tikoá mì jñà sìs'in-la kjotíxoma ts'e xita xi binchat'aàxin-la kjoakixi.

¹⁵Jñà xita xi tsjeè tjín kjohítsjeèn-la tsjeè yije ma-la nita mé-ne. Tanga jñà xita xi mì tsjeè tjín kjohítsjeèn-la koa mikìi mokjeiín-la it'aà ts'e Cristo, saá tjé yije ma-la nita mé-ne; skanda jè inima-la ko kjohítsjeèn-la tjé tjín. ¹⁶K'oaá tsò nga beèxkon Nainá tanga jñà kjoa xi s'ín 'yaá-la nga mìtsà kixi kjoa. Xita koi, 'nó ch'o s'ín, mikìi 'nchréñijon, tikoá nimé chjí-la nga nijngoò ma-la síkitasòn xá xi ndaà tjín.

Kjohítsjeèn xi ndaà tjín takóyi

2 ¹Ngaji, Tito, k'oaá s'ín tinókjoji koni s'ín ok'in-la 'én ndaà xi jñà okoòyaá ²nga jñà xita jchínga ts'e naxandá-la Nainá, indaàkjoa kàtas'ín; ndaà kàtayaxkón; ndaà

kjohítsjeèn kàtas'e-la; ndaà kàtìtsajna_ko kjoa xi mokjeiín-la, ko kjoatjòcha-la ko kjoatsejta-la mé-ne nga kichìkjoako-la kjo'in. ³Jñà íchjín jchínga, k'oas'ín kàtasíjchá yijo-la koni xita-la Nainá. Kì xita chjajno-la. Kì xán báhijta_ko. Koií kàtakóya kjoa xi ndaà tjín. ⁴K'oaá s'ín kàtakóya-la íchjín ixti nga tjòkeè kàtas'ín íchjá-la, tiko_a tjòkeè kàtas'ín ixti-la. ⁵K'oaá s'ín ndaà kàtakóya nga ndaà kàtasíjchá yijo-la; tsjeè kàtìtsajna_ko yijo-la; ndaà kàtasíkinda ni'ya-la; ndaà xita kàtama; kàta'nchréñijon-la íchjá-la, mé-ne nga mì yá xi kichjajno-la 'én-la Nainá.

⁶K'oa tìs'ín tinè-la jñà íchjá xi ixti-isa nga ndaà kàtasíjchá yijo-la. ⁷Nita mé kjoa xi tjín, jì tjina ítjoìn nga ndaà t'iin. K'e nga kokóya-la xita, kixi tikíjni kjohítsjeèn-lè; 'én kixi tinókjoii; ⁸ndaà tsò 'én xi tinókjoii xi mì yá kochrjekàngui mé-ne k'e nga kji'nchré-la jñà xi xita kondra, kosobà-la; nimé sakòt'aà-la xi ch'o kitso-ná.

⁹Koatìn-la jñà xita xi ch'i'nda títsajna'ñó, ndaà kàtasíkitasòn yije-la nei-la, ndaà kàtasís'in-la mé-ne nga tsja s'e-la, kì kjingu'a-jèn; ¹⁰kì síchjét'aà-la nei-la. Tà saá ndaà kàtas'ín nga kàta'ya-la nga xita kixi. K'oaá s'ín skoe-ne xita xi kj'eíí nga ndaà tjín kjotíxoma-la Nainá xi ochrjekàjìin-ná kjo'in.

¹¹Nainá jyeé tsakó kjondaà-la nga ngats'iì xita xi tjín nga tíjtsa isò'nde koma kitjokàjìin kjo'in. ¹²Jè kjondaà-la Nainá k'oaá s'ín okóya-ná nga mì tì kii k'oa s'en-ná nga mì ndaà yaxkoán Nainá tiko_a mì tì kii k'oa s'en-ná kjoach'o xi síjé yijo-ná xi ts'e isò'nde. K'e nga jye sikítsajnaá kjoa koi, indaàkjoa sikíjnaá kjohítsjeèn-ná, xita kixi komaá, tiko_a ndaà jchaxkoán Nainá nachrjein xi titsajnaá i'ndeí. ¹³K'oaá s'ín s'eén kjoa koi nga titsachiñá-lá kjondaà xi 'ñó ndaà tjín nga jchaá kjoajeya-la Jesucristo k'e nga kjoíí ìjngod k'a. Jesucristo xi Nainá nga 'ñó 'nga tíjna nga jè xi ochrjekàjìin-ná kjo'in. ¹⁴Jè Na'èn-ná Jesucristo kitsjaá yijo-la nga k'en ngajo-ná. Jè tsibíchjítjì-ná mé-ne koma kitjokàjìnaá ngats'iì kjoa ts'e jé tiko_a jngod k'a sìitsjeè-ná nga nguì xita naxandá ts'e komaá. Ko nguì tíjngod takoán nga sikitasoán nita mé kjoa xi ndaà tjín.

¹⁵K'oaá s'ín takóyi tiko_a tìt'in-la xita. 'Nó tinókjoakoi koni s'ín tjí'nde-lè nga kotixomai. Kì yá xi ochrjekàngui-lè.

Ndaà t̄ikitasòn j̄nà 'én xi mokjeíin-ná

3 ¹Tik̄itsjeèn-là nga kàteèxkón xi x̄itaxá t̄itsajna k̄o ngats'iì xi k̄jot̄ixoma t̄j̄ya tsja. Kàta'nchréñijon-là. Kàtasíkitasòn ngats'iì xá xi ndaà t̄j̄n. ²Koat̄in-là k̄i x̄itaá chjajno-là; k̄i x̄itaá k̄jaán-k̄o; tà saá k̄jondaà kàtas'e-là; nguì indaàkjoa kàt̄itsajnak̄o ngats'iì x̄ita.

³Nga sa k̄jòtseé, j̄nà, t̄ikoaá x̄ita tòn̄doó komá. Mik̄ii na'yàñijoaán. X̄ìn ndiyá tsitjaàyaá. K'oaá s'ín ki'né ngats'iì kjoa xi ch'o t̄j̄n xi s̄jé yijo-ná k̄o kjoa xi sasén-là. Yaá tsitsajnañnà xi kjoach'o k̄o kjoax̄itakòn. Tsak'in-ná nga kis̄jtikeè-ná x̄ita. T̄ikoa j̄nà kin̄jticha ngajo-ná x̄inguiáá.

⁴Tanga Nainá xi ochrjekàj̄iìn-ná kjo'in, k'e nga tsakó k̄jondaà-là k̄o k̄jot̄jòcha-là it'aà ts'e x̄ita, ⁵tschrjekàj̄iìn-ná kjo'in. M̄itsà koi kjoa-là nga ndaà t̄j̄n kjoakixi xi ki'né. Tà koi-né nga k̄jòhimakeè-ná. K'e nga k̄jòtsjeè in̄imá-ná, kits'iìn x̄it̄se ìjngod̄ k'a-ná k̄o jè In̄imá Tsjeè-là Nainá kis̄ix̄it̄seya ìjngod̄ k'a-ná. ⁶It'aà ts'e Nà'ènná Jesucristo xi ochrjekàj̄iìn-ná kjo'in, Nainá, ñó ndaà kis̄ik̄ijn̄aj̄iìn in̄imá-ná In̄imá Tsjeè-là. ⁷K'e nga jè k̄jondaà-là Nainá jye kis̄ik̄ixiya-ná, k'oaá s'ín k̄itsajnaá nga t̄j̄ngod̄ takoán nga t̄itsachiñá-lá kjoabinachon xi mik̄iì fehet'aà n̄ita k̄jé-ne, jè k̄jot̄jò xi tsj̄á-ná Nainá nga ìxti-là tsò-ná.

⁸'Èn koi, 'én kixi-né. K'oaá s'ín mejèn-na nga ñó t̄inè-là x̄ita mé-ne j̄nà x̄ita xi mokjeíin-là it'aà ts'e Nainá ndaà kàtasís'in-là kjoa xi ndaà t̄j̄n. Kjoa koi, ndaà t̄j̄n; mochjeén-là ngats'iì x̄ita. ⁹Tanga k̄i k̄i n̄is'in-là xi kjoa tòn̄do k̄o kjoa ts'e x̄ita jchínga k̄jòtseé xi m̄itsà kixi kjoa. K̄i kjoas̄iì n̄is'in-là k̄o kjoa xi chitiya-ná it'aà ts'e k̄jot̄ixoma-là Moisés. Kjoa koi, mik̄iì mochjeén, n̄imé ch̄j̄-là.

¹⁰Jè x̄ita xi naxandá-là Cristo mejèn-là s̄ij̄jòya, jò, jàn k'a t̄j̄nókjoa 'nchré-làà. Tsà mik̄iì 'nchréñijon-lè, n̄achrjekàj̄iìn.

¹¹Ji, jyeé 'yi nga x̄ita jè, jyeé its'oòn k̄joh̄itsjeèn-là. Ch'o t̄is'ín. Jé t̄ihónè-là yijo-là.

'Èn xi t̄itsj̄á-là Tito jè Pablo

¹²K'e nga s̄ikasén-lè Artemas, o xi jè Tíquico, t̄ixát̄iyi nchrobáchón-ná Nicópolis. K'oaá s'ín kiskoòsòn-là, yaá kótijna n̄achrjein ch̄o 'nchán. ¹³T̄ichj̄át'aà-là Zenas, maestro ts'e k̄jot̄ixoma, k̄o Apolos; t̄j̄i-là mé xi mochjeén-là mé-ne nga

koma kjo_i-ne ñánda nchifì nga ñimé s_ichijat'aà-là. ¹⁴Jñà xi x_ità tsaján, k'oaá t_is'ín kàtama-là k_jondaà xi ndaà t_jín nga kàtasíhjat'aà-là x_ità xi chijat'aà-là tsojmì mé-ne nga ndaà s_iikjeén-ne n_achrjein-là nga t_itsajnakon, komaá s_iikíjna jngod kjoa xi ndaà mochjeén.

'Én xi fehet'aà-ne

¹⁵Ngats'iì x_ità xi ì t_itsajnak_o-na t_isíhixat'aà-lè. T_iko_a t_ijixat'eì yije jñà xi matsjakeè-ná nga ngásòn mokjeiín-ná it'aà ts'e Cristo. K_jondaà-là Nainá kàt_ijnako-nò ngats'iod. K'oa_s'ín kàtama.